


1626_002.jpg



2 M. DC. XXVI.

Princes & Seigneurs de la Cour le long du Ca-
refine aller aux Stations des quinze Egli-
sans espee & à pied, gagner les Indulgences
deuotieusement ; ie dis deuotieusement &
Chrestienement.

Le 19. Ianuier la Saincteté tint Consistoire
& crea douze Cardinaux : voicy leurs noms &
l'ordre de leur creation.

*Nomina, cognomina & dignitates S.R.E. Car-
dinalium à sanctissimo D.N. Urbano Pap. VIII.
creatorum die lune 19. Ianuarij 1626.*

Les noms, furnoms & dignitez des Illustri-
simes Cardinaux creéz par nostre S. Pere
Pape Urbain VIII. le Lundy 19. Ianuier 1626.

Creation
de douze
Cardinaux.

1. *Aloysius Gaetanus Patriarcha Antiochenus
Romanus.*

Louys Cajetan Patriarche d'Antioche, Ro-
main.

2. *Dionisius de Marquemont Archiepiscopus
Lugdunensis, Gallus.*

Denis de Marquemont Archeuesque de
Lyon, François.

3. *Ernestus Adalbertus ab Harrach Archiepiscopus
Pragensis.*

Ernest Audebert d'Arrach Archeuesque de
Prague.


4. *Bernardinus Spada Archiepiscopus Damianensis
sis, Nuncius Gallie. C. A. Clericus, Brisibellensis.*

Bernardin Spada Archeuesque de Damian-
te, Nunce en France.


5. *Landinius Zacchias Episcopus Montefalconis
Domus S. D. N. Praefectus, Ianuens.*

Zachias Euesque de Montefalcon, Gene-
vois.

1626_003.jpg



1626_004.jpg



4 M. DC. XXVI.

sez & des barricades : chaque canon estoit tiré par deux cheuaux blancs, & pour son attirail deux charettes plaines de harnois, & autres bagages pour seruir ausdits canons. Sadite Majesté estima fort ce present, & fit donner autant de centaines d'escus qu'il y auoit de canons audit sieur Landot.

Le Poulain surpris par Brison.


Deux iours apres le Roy receut nouuelles que le sieur de Brison auoit surpris le Poulain pour les Reformez : ce qui attrista la Cour, à cause de l'importance de ceste place, pour la libre navigation du Rosne. Le Comte de Brienne, qui en estoit Gouverneur, estoit lors à Paris, sa Majesté l'enuoya prisonnier à la Bastille : le frere de Brison qui estoit aussi à Paris, ayant esté arresté, fut logé au mesme lieu. Voyons les dommages que le desbordement des eauls causa en ce mois de Ianuier à deux des principales villes d'Espagne, Seville, & Salamance.

Du deluge arriué à Seuille au mois de Ianuier 1626.


La ville de Seuille, Capitale de l'Andalousie, qui en delices, richesses, concours de Marchands, & multitude de Citoyens, non seulement surpasse toutes les villes d'Espagne, mais mesmes s'esgale aux plus renommées de l'Europe, s'est presque veüe entierement perdue par vn desbordement d'eaux le plus pitoyable, pour les grandes ruines qu'il a causé, & le plus violent que les siecles passez ayent remarqué.

La grande riuiera de Guadalquivir auoit de tout temps paisiblement baigné les campagnes de Seuille, sans luy faire ressentir aucun dom-

1626_005.jpg



1626_006.jpg



6 M. DC. XXVI.

noyoyent dedans les maisons, quelques vns se
sauoyent à nage par les fenestres, les autres
rompoient les toits pour sortir, les fenestres
estans desjà bouchees de l'eau.

La Iustice alloit par les ruës avec des bar-
ques, receuans en icelles ceux qui y pou-
uoient aborder vifs: On transporta aux gran-
des Maisons auxquelles l'eau ne pouuoit nuire,
les Religieuses des Monasteres de la Passion,
de Sainte Marie de Grace, de Sainte Claire,
de Bethlehem, de la Conception, & de Saint
Michel.


Vents im-
petueux.

Le 25. dudit mois il se leua vn vent si impe-
tueux qu'il destracina les arbres, & emporta
des hommes; en mesme temps il tomba vne
fort grosse pluye qui entretint le cours de
l'eau, & cest orage dura iusques au 26. iour de
Ianuier auquel le Chapitre fit vne procession
fort solempnelle, où tous les prebendez assiste-
rent pieds nuds; Et apres plusieurs prieres le
vent cessa, mais la pluye continua iusques au
lendemain.


Ruës, pla-
ces & mai-
sons.

La tempeste appaïsee, & les eaux entiere-
ment remises en calme on pouoit plus facile-
ment considerer le debris & reliques de ce pi-
royable naufrage; les trois quarts de la ville
estoyent totalement couuerts d'eaux, particu-
lierement la porte de Gerez, les Maisons du
cours, la Doüanne, la ruë à l'huyle, la ruë saint
Michel, la porte de la ruë de l'Areval, avec
tout le reste de ce quartier-là iusques à la por-
te du Pardon: La place dite Alcayzeria, la
ruë de Genne, la place de Saint François,

1626_007.jpg



1626_008.jpg



8 M. DC. XXVI.

bles rompus, & cadavers tant d'hommes, cōme d'autres animaux flottans les vns parmy les autres, & donnent vn horrible spectacle à la veüe.

Es Eglises où l'eau n'a point fait de dommage se sont retirez ceux qui ont eschappé de ce Deluge : ceux qui n'ont esté ruynez contribuent charitablement à leur nourriture. Plusieurs donnent à ceux desquels quatre iours auparauant ils eussent tenu à faueur d'estre seruiteurs.


Depuis le Chapitre de la grande Eglise a donné chaque iour pour 500. ducats de pain; Le Comte de la Tour a donné plus de 500. quintaux de biscuit : les autres Communautéz & Seigneurs les aydent & leur donnent selon leur pouuoir, de pain, de fromage, de figues, & autres choses necessaires à la vie de l'homme, mais tout y est maintenant si cher, qu'à peine on trouue du pain pour de l'argent.

De toute la ville il n'est resté que les quartiers S. Nicolas & de S. Isidore avec la partie d'en haut de la grande Eglise, de façon que celle qui auant quatre iours tenoit rang entre les plus grandes villes, ne paroist qu'un bourg, duquel les aduenues ne sont que ruynes & desolations.


Ainsi le Prouerbe commun des Espagnols, Qui n'a veu *Sevilla*, n'a veu *maravilla*, ce qui s'entendoit pour sa beauté, & pour sa grandeur, est changé, & tiré en contresens maintenant, estant vne chose esmerueillable d'en voir les desolations.

Voilà ce que l'on a escrit du Deluge de Se-

1626_009.jpg



1626_010.jpg



1626_011.jpg




Image issue du site mercurefrancois.ehess.fr - Cliché (c) Cécile Soudan